

COFNODION CYFARFOD BWRDD TYFU CANOLBARTH CYMRU / GROWING MID WALES BOARD A GYNHALIWYD DROS ZOOM DDYDD IAU, 11 TACHWEDD 2021

YN BRESENNOL

Aelodau Cabinet Cyngor Sir Ceredigion:

Y Cynghorydd Ellen ap Gwynn, Arweinydd Cyngor Sir Ceredigion a'r Aelod Cabinet ar gyfer Polisi, Perfformiad, Partneriaethau a Gwasanaethau Democrataidd **(EAG) (Cadeirydd)**

Y Cynghorydd Dafydd Edwards: Aelod Cabinet ar gyfer Priffyrdd a Gwasanaethau Amgylcheddol, ynghyd â Thai **(DE)**

Y Cynghorydd Catrin Miles: Aelod Cabinet ar gyfer Gwasanaethau Dysgu a Dysgu Gydol Oes **(CM)**

Y Cynghorydd Rhodri Evans: Aelod Cabinet ar gyfer yr Economi ac Adfywio **(RE)**

Y Cynghorydd Gareth Lloyd, Aelod Cabinet ar gyfer Gwasanaethau Cyllid a Chaffael a Gwasanaethau Diogelu'r Cyhoedd **(GL)**

Aelodau Cabinet Cyngor Sir Powys:

Y Cynghorydd Rosemarie Harris, Arweinydd Cyngor Sir Powys **(RH)**

Y Cynghorydd Aled Davies, Deiliad Portffolio Cyllid a Thrafnidiaeth **(AD)**

Y Cynghorydd Heulwen Hulme, Deiliad Portffolio yr Amgylchedd **(HH)**

Y Cynghorydd Iain McIntosh, Deiliad Portffolio Datblygu Economaidd, Cynllunio a Thai **(IM)**

Swyddogion:

Eifion Evans, Prif Weithredwr, Cyngor Sir Ceredigion **(EE)**

Dr Caroline Turner, Prif Weithredwr, Cyngor Sir Powys **(CT)**

Carwyn Jones-Evans, Rheolwr Strategol Bargen Twf Canolbarth Cymru **(CJE)**

Lowri Edwards, Swyddog Arweiniol Corfforaethol, Gwasanaethau Democrataidd **(LE)**

Nigel Brinn, Cyfarwyddwr Corfforaethol dros yr Economi a'r Amgylchedd, Cyngor Sir Powys **(NB)**

Paul Griffiths, Swyddog Cynghori **(PG)**

Russell Hughes-Pickering, Swyddog Arweiniol Corfforaethol: Yr Economi ac Adfywio, Cyngor Sir Ceredigion **(RHP)**

Arwyn Davies, Rheolwr Corfforaethol, Cyngor Sir Ceredigion **(AD)**

Elin Prysor, Cyngor Sir Ceredigion **(EP)**

Ffion Lloyd, Cyngor Sir Ceredigion **(PA)**

Stephen Johnson, Swyddog Arweiniol Corfforaethol: Cyllid a Chaffael, Cyngor Sir Ceredigion **(SJ)**

Swyddfa Rheoli Portffolio Tyfu Canolbarth Cymru

Cathy Martin, Rheolwr Gweithrediadau **(CM)**

1. CROESO AC YMDDIHEURIADAU

Cafwyd ymddiheuriadau gan y Cynghorydd Gareth Lloyd a fyddai'n ymuno â'r cyfarfod yn hwyr.

2. DATGANIADAU O FUDDIANT PERSONOL

Ni chafwyd unrhyw ddatganiadau o fuddiannau personol/rhagfarnus.

3. COFNODION DRAFFT Y CYFARFOD DIWETHAF 21/09/21

Cytunwyd bod cofnodion y cyfarfod diwethaf a gynhaliwyd ar 21 Medi 2021 yn gofnod cywir.

4. LLYWODRAETHU: GRŴP CYNGHORI'R SECTOR PREIFAT

Cyflwynodd Paul Griffiths Rôl a Chylch Gorchwyl y Grŵp Cyngori Economaidd/y Trydydd Cytundeb Interim Rhwng Awdurdodau. Nodwyd bod y Cylch Gorchwyl yn cynnwys newidiadau i'r un a fabwysiadwyd ar gyfer y Grŵp Strategaeth Economaidd, er mwyn adlewyrchu anghenion y Fargen Twf yn y dyfodol wrth i'r gwaith symud yn ei flaen i gynigion mwy manwl sy'n cynnwys rhaglenni a phrosiectau. Mae'r newidiadau'n cynnwys newid teitl y Grŵp i'r 'Grŵp Cyngori Economaidd' er eglurder, gyda mwyafrif o chwech aelod er mwyn gallu cyflawni pethau'n sydyn. Cynigiwyd na ddylai'r grŵp benodi Cadeirydd ac y dylai'r grŵp gael ei gefnogi a'i hwyluso gan Swyddog, a fydd yn fodd i sicrhau bod gan yr holl aelodau statws cyfartal, bod llais pawb yn cael ei glywed, a bod modd adrodd yn ôl yn uniongyrchol i Arweinwyr yr Awdurdodau. Os daw buddiant perthnasol i fod yng nghyswllt unrhyw aelod, bydd gofyn i'r aelod hwnnw ymddiswyddo o'r grŵp. Nodwyd bod yr adroddiad yn amlinellu'r gofynion recriwtio i'w hystyried gan yr aelodau.

Cynigiwyd y newidiadau canlynol:

Adran 3.3: nodi Prif Weithredwr 'neu Arweinydd' yn benodol ac ychwanegu paragraff sy'n nodi mai rôl arsylwi fydd gan yr Arweinydd yn hytrach na rôl gynghori, ac y bydd modd iddo/iddi fynychu'r cyfarfodydd os yw'n dewis gwneud hynny.

Adran 4.2: cynnwys 'Arweinwyr' fel a ganlyn: "bydd yn adrodd yn rheolaidd i'r Arweinwyr a'r Prif Weithredwyr".

Adran 4.2: nodi'n benodol y gellid defnyddio'r disgresiwn a ddirprwywyd i'r Arweinwyr, os yw hynny'n briodol, i benodi aelodau ychwanegol i'r grŵp, gan ddileu'r cyfyngiad o chwe aelod.

Adran 5.8: nodi'n benodol y byddai cael pedwar aelod yn bresennol mewn cyfarfod yn golygu bod cworwm ar gael, ac israddio'r Grŵp Cyngori Economaidd yn hytrach na'r Grŵp Strategaeth Economaidd.

PENDERFYNWYD:

Cymeradwyo cynnwys yr adroddiad ynghyd â'r Cylch Gorchwyl drafft, yn ogystal â newidiadau priodol yr ystyriwyd bod eu hangen er mwyn gallu recriwtio i'r Grŵp Cyngori Economaidd, yn amodol ar y newidiadau.

5.	EITHRIO'R CYHOEDD
-----------	--------------------------

Nid yw'r adroddiad sy'n ymwneud ag eitem 5 i'w gyhoeddi gan ei fod yn cynnwys gwybodaeth esempt fel y diffinnir ym mharagraff 14 Rhan 4 Atodlen 12A Deddf Llywodraeth Leol 1972 fel y'i diwygiwyd gan Orchymyn Llywodraeth Leol (Mynediad at Wybodaeth) (Amrywio) (Cymru) 2007. Os bydd y Cyngor, ar ôl defnyddio'r Prawf Budd Cyhoeddus, yn penderfynu ystyried yr eitem hon yn breifat bydd y cyhoedd a'r wasg yn cael eu heithrio o'r cyfarfod tra bydd yr eitem yn cael ei hystyried, yn unol ag Adran 100B(2) y Ddeddf.

Wrth ymdrin â'r eitem, gofynnwyd i'r Aelodau ystyried a ddylid eithrio'r cyhoedd a'r wasg o'r cyfarfod.

PENDERFYNWYD eithrio'r cyhoedd a'r wasg o'r cyfarfod tra byddai eitem 6 isod yn cael ei hystyried, ar y sail bod yr adroddiad yn cynnwys gwybodaeth esempt.

6.	EITEM ESEMPT: CYTUNDEB TERFYNOL DRAFFT BARGEN TWF CANOLBARTH CYMRU
-----------	---

Darparodd Carwyn Jones-Evans ddiweddariad ynghylch yr amserlen ar gyfer llofnodi Cytundeb Terfynol y Fargen Twf gyda Chyd-fwrdd Llywodraeth y DU, gan nodi mai'r disgwyl yw y bydd yn cael ei lofnodi yn ystod yr wythnos cyn y Nadolig. Mae'r her nesaf yn ymwneud â chefnogi ac annog y prosiectau i gyflwyno manylion, cynigion ac amserlenni, deall y rhwystrau a darparu cyngor a chymorth.

Nodwyd bod perygl y gallai rhai prosiectau dynnu'n ôl ar ôl cael cyllid o ffynhonnell arall neu ar ôl methu â chael adnoddau, ac na fyddent yn bwrw ymlaen fel y cynlluniwyd. Felly, mae angen anogaeth gref a pharhaus gyda chyfres barod o gynigion amgen i'w hargymell i'r Bwrdd. Mae hynny wedi'i nodi yn rhan o'r gofrestr risg y tu hwnt i Gytundeb Terfynol y Fargen Twf.

Nododd Cathy Martin eu bod wrthi'n ymgysylltu â phob un o'r prosiectau ar hyn o bryd, gan ofyn ble maen nhw arni a pha gymorth y mae arnynt ei angen, er mwyn cael gwell dealltwriaeth o'r amserlenni. Bydd angen diweddarau'r portffolio bob blwyddyn er mwyn dangos ble'r ydym arni, a rhoi manylion ceisiadau i'w hystyried yn y dyfodol. Nodwyd hefyd y byddai prosiectau eraill ar y rhestr hirach yn parhau i gael eu datblygu er mwyn gweld a fyddai modd eu cynnwys rywbryd yn y dyfodol, neu os daw ffynonellau eraill o gymorth ar gael.

Nodwyd bod y ddau awdurdod wedi cael Cyllid Codi'r Gwastad ac y byddai angen iddynt fod yn ymwybodol o gyllid cymorth gwladwriaethol os bydd ffynonellau cyllid yn goryffwrdd â'i gilydd.

Cytunodd y Pwyllgor i wneud y canlynol:

- **Cymeradwyo Cytundeb Terfynol drafft y Fargen Twf;**

- **Awdurdodi'r Prif Weithredwyr, mewn ymgynghoriad â'r ddau Arweinydd, i wneud unrhyw fân newidiadau y gallai fod angen eu gwneud i Gytundeb Terfynol drafft y Fargen Twf er mwyn sicrhau'r cytundeb;**
- **Awdurdodi'r Arweinwyr i lofnodi'r ddogfen derfynol gyda'r ddwy Lywodraeth ar ran y ddau Gyngor a'r Bwrdd;**
- **Dod â'r ddogfen derfynol wedi'i llofnodi yn ôl i'r cyfarfod cyntaf posibl o Fwrdd Tyfu Canolbarth Cymru ar ôl llofnodi'r ddogfen.**

Yna, gwahoddwyd y cyhoedd a'r wasg i ymuno â'r cyfarfod.

7. UNRHYW FATER ARALL

- a) Tynnodd yr aelodau sylw at bryderon ynghylch effaith ffosffadau, TAN15 a mapiau llifogydd ar ddatblygiadau mewn rhai ardaloedd, a'r goblygiadau o ran datblygu economaidd ac o ran oedi posibl i brosiectau. Nododd y Cynghorydd Iain McIntosh ei fod wedi cyfarfod â dau sefydliad sy'n gallu cynhyrchu cyfleusterau tynnu ffosffadau o ddŵr am bris tipyn yn is na'r hyn a awgrymwyd gan Dŵr Cymru, gan nodi y byddai'n rhannu'r wybodaeth honno ag aelodau'r Bwrdd.

Cytunodd y Pwyllgor i wahodd arbenigwyr o'r naill awdurdod a'r llall i'r cyfarfod nesaf, gyda'r bwriad o lobïo ar y cyd.

- b) Gofyn i Fwrdd Partneriaeth Tyfu Canolbarth Cymru ystyried cymeradwyo, yn ei gyfarfod ddydd Llun, bod ei logo'n cael ei gynnwys ar y ddogfen Fframwaith Economaidd Rhanbarthol.

Cafodd y ddau awdurdod eu llongyfarch ar eu ceisiadau llwyddiannus i Gronfa Codi'r Gwastad, ac estynnwyd llongyfarchiadau i'r holl staff a fu'n gweithio ar y ceisiadau hynny.

8. DYDDIAD Y CYFARFOD NESAF

Cynhelir y cyfarfod nesaf am 11.00am ar 10 Rhagfyr 2021 trwy gynhadledd fideo.

**Y Cynghorydd Sir Rosemarie Harris
Cadeirydd**